

1433. Tum succurrendum omnibus symptomatibus, prout hunc illumve morbum imitantur.

1434. Si in urethram immobilis impactus, injectio, fatus, suctus, auriscalpium specillum, pressio lenis, vel & incisio applicanda requiruntur, aut punctura perinaei.

1435. Si major, quam excerni qui queat, lithotomia educendus.

1436. Et inprimis apparatu magno, utpote certissimo, arte Raviana emendato.

1437. Sciendum tamen omnem eventum operationis semper dubium: propter singularia, vix ulla sagacitate praevidenda, neque ulla arte sananda, incidentia.

1438. In mulieribus vero, dilatando urethram, educitur: raro incidendo.

1439. Si in collo vesicae haerens impedit Urinam, Cathetere repellendus,

L U E S V E N E R E A.

1440. Post annum 1463. in regno Neapolitano, mox Gallico exercitu, dein per totam Europam Lues Venerea orta adhuc durat.

1441. Quae generatione, lactatione, contrectatione, saliva, sudore, liquido genitali, exhalatione, contagiosa est.

1442.

1442. Et qua parte contrahitur, primo se manifestare solet.

1443. Neque a non infecto, vel non infecta, eodem hoc morbo, unquam orta deprehensa est.

1444. Pars infecta (1442.) diverso quidem tempore pro varietate loci infecti, materiae contagiosae, gradu caloris excitantis, temperiei diversitate, pruritu, calore, leni inflammatione, pustula subalba, squamosa, erodente, mucosa, insanabili vulgatis remediis, cognoscitur primo.

1445. Hinc crescendo vicina primo, & plerumque externa inficit similibus pustulis ulcerosis, dehinc interna, labia, gingivas, palatum, linguam, fauces, nasum, cerebrum, pulmones, hepar, lienem, uterum &c.

1446. Quae stillant saniem mucosam, lentam, subviridem, carnem erodentem in latum magis, quam profundum proserpendo.

1447. Hinc in veretro externo cancri; in interno gonorrhoea; in yagina fluor dictus albus.

1448. Tum glandulae inguinales tumentes utroque in sexu, bubones venerei, communicato per lymphatica resorbentia contagio.

1449. Et in viris membri inflammatio

Z 5

in-

ingens, brevi in gangraenam soluta.

1450. Tum testes tumidi, dolentes, saepe in ulcerationem abeuntes, inflammatorio tumore ad vesiculas feminales orta.

1451. Ut & carunculae, stranguriae, erosio urethrae, prostaticarum, colli vesicae, vasorum feminalium; similia Mulieribus.

1452. Hinc fertur in membra, cum dolore nocturno medios artus occupante, ut & flexurarum rigiditate.

1453. Unde in Cartilaginibus, nasi maxime, & palato, erosio.

1454. Mox media ossa occupans caries producit, praecipue in cranio.

1455. Tumque superpositae partes in apostemata assurgunt pessima.

1456. Quin & in tophos duros elevat, dolentes obscure, sensim acutius, tumque & superposita corrumpentes.

1457. Unde facile constat de signis, quibus morbus hicce cognoscitur.

1458. Gonorrhoea curatur, balneo, fottu, injectione, purgatione mercuriali saepe repetita, emulsionibus, balsamicis, abstinentia ab omni cibo, potuque lauto & ad venerem stimulante, victu contra potuque tenui.

1459. Persistendum in curatione, donec nihil

nihil amplius insoliti ex pene exstillet, vel in urina se manifestet.

1460. Inflatio membri virilis tollitur cataplasmate anodyno, discutiente, emolliente, fotu simili, & venae sectione larga, & dictis (1458.).

1461. Bubo Venereus tollitur dissipando per Emplastra singularia; suppurando, si haec non profunt; & aperta depurando.

1462. Testis tumidus fovendus simili-bus (1460.): si urget, educendus sanguis ex brachio; Emplastro quoque scroto applicato levandus; donec redierit in statum plane naturalem.

1463. Pustulae, & Cancri dicti Mercurialibus erodendi ad vivum usque, tum sensim lenioribus sanantur iisdem.

1464. Semper autem utendum iisdem fere internis, ac (1458.) praescripsit.

1465. In mulieribus fluor venereus curatur iisdem (1458.).

1466. Sed praecipue fotibus detergentibus validis, & mercurialibus.

1467. Ubi vero pustulae ubique dispersae, dolor artuum, nocturni labores, bubones magni, torturae ossium, saepe tolerata gonorrhoea, docent adesse Luem, salivatio Mercurialis requiritur.

1468. Quae ut fiat, aliquot diebus prius impleatur aeger ptisana.

1469.

1469. Tum utatur quolibet bihorio dosi apta Mercurii dulcis.

1470. Simul ac anima foetere, Gingivae dolere, dentes erigi videntur, attendendum an pergere, consistere, vel inhibere, deceat.

1471. Si exspuitur ad ℥iij, vel ℥iv, quolibet nocthemero, sufficit.

1472. Si minor, excitandus fluxus erit, stimulo eodem.

1473. Si major, quam vires ferre queant, sistendus erit leni clysmate, vel purgante, vel sudorifero.

1474. Si ruit vis Mercurii ad alvum, opus erit opiato, & diaphoretico.

1475. Ubi os, gingivae, fauces, nimis tumet, dolentve, utendum molli. blando, liquido gargarismate, vel collutione, vel (1473.).

1476. Pergendum, donec omnia symptomata evanuerint, vulgo per xxxvj. dies.

1477. Tum subinde leni dosi mercuriali utendum per alios xxxvj. dies, ut lenissimae sputationis maneat vestigium.

1478. Neque ullum aliud remedium tum ad sanitatem requiritur.

1479. Tophi minuuntur Emplastris; (1461.) vel, apertura facta, osse abrafo.